



САМУРДИН

ссс

«Магьарамдхуьруьн район» МР-дин общественно-политический газет.
Общественно-политическая газета МР «Магарамкентский район».

Тешкилайди: «Магьарамдхуьруьн район» МР.

Газет 1951- йисалай акъатзава. № 37 (7694) киш, 26 - июль, 2014- йис. Къимет 3 манат.

ПОЗДРАВЛЕНИЯ

УВАЖАЕМЫЙ ФАРИД ЗАГИДИНОВИЧ!

Поздравляю Вас с Днем Конституции Республики Дагестан!

В переломный для страны и республики период, 20 лет назад, наш многонациональный народ принял Конституцию Республики Дагестан, определившую судьбоносные основы политического и государственного устройства Республики Дагестан в составе Российской Федерации.

Конституция-наше национальное достояние, она нуждается в постоянной защите от рисков и угроз, среди которых особую общественную опасность представляют угрозы терроризма, экстремизма, этнонационального сепаратизма.

Сегодня мы решаем непростые социальные, экономические, политические, правовые, культурные задачи по ускоренному развитию, обелению экономики, очищению нашей жизни. Уверен, что в едином строю со всеми народами России мы найдем ответы на все вызовы времени, добьемся реализации конституционных положений, нацеленных на создание достойных условий жизни для нынешнего и будущих поколений дагестанцев.

Желаю Вам здоровья, благополучия, мира и процветания!

Р. АБДУЛАТИПОВ,
Глава Республики Дагестан.

УВАЖАЕМЫЙ ФАРИД ЗАГИДИНОВИЧ!

Поздравляю Вас с Днем Конституции Республики Дагестан!

Для каждого дагестанца Конституция стала гарантом прав и свобод, открыла простор для реализации личной инициативы. Наша задача сберечь заложенные в ней общенациональные ценности, строить на их основе стабильный, успешно развивающийся регион. Общий успех складывается из успехов отдельных людей, чей патриотизм, преданность избранной профессии, талант, энергия направлены на пользу общества, на сохранение единства Дагестана, его благополучия. Надеюсь, что и в дальнейшем вы будете плодотворно трудиться на благо республики, используя накопленный богатый опыт, соблюдая положения этого важного документа.

Примите пожелания успехов в труде и новых достижений. Мира Вам и согласия, крепкого здоровья и счастья!

РАЛИЕВ,
Руководитель Администрации Главы Правительства РД.

УВАЖАЕМЫЙ ФАРИД ЗАГИДИНОВИЧ!

Поздравляю Вас с государственным праздником - Днем Конституции Республики Дагестан!

Принятие Основного закона закрепило важнейшие принципы общественной жизни республики, создало условия для политической и экономической стабильности, упрочило статус Дагестана как единой и неделимой части Российской Федерации.

В этот праздничный день желаю Вам мира и благополучия, новых успехов и достижений в Вашей плодотворной деятельности во имя процветания родного Дагестана! Здоровья и счастья Вам и Вашим близким!

А. ГАМИДОВ.

СУВАРИН ТЕБРИК

АС-САЛАМУ АЛЕЙКУМ, гъурметлу районэглияр. Квез малум тирвал. Исламдин календарда кьейднавайвал, июльдин вацран 28-29-йикъар мусурманрин лап члехи ва пак тир суваррикай сад тир «Ураза байрам» кьейд ийида. Иншаллагъ.

Заз квез Муниципальный райондин, адан Администрациядин, райондин Собраниедин ва кылди жуван патай мубарак ийиз кланзава. Къуй куьне хеьи север, гудай садакьаяр ва Аллагъдин рекье авур вири ибадатар къабулдайбур хъурай. Къуй куьне гележегдани хъийидай хъсан кваллахар, хийирлу адетар, Исламдин михьи рехъ михьи ийидайбур хъурай.

Инал кьетлендиз са кар кьейд хъийиз кланзава хьи, сив хуьн, экуьнин каплунилай башламишна, хушунин каплунал къван сиве недайхъвадай затлар тлуьн та-



вуналди куьтягъ жезвайди туш. Адахъ вичин маса шартларни ава. Сив хуьни инсандин беден михьи ийизва, инсандин кылел атун мумкин тир гзаф хата-балайрикай хуьзва, адан невс къезиларзава, ният михьи ийизва. Санлай чи яшайиш, асайиш, уьмуьр гурчегарзава, Къуй и Рамазандин пак

тир вацра чи инсанар вижесуз, амалрикайни фикиррикай михьи авурай. Къуй, чи районэглияр, санлай ватанэглияр чпин хиве авай везифайриз вафалу ва истеклу даяхар хъурай. Амин!

Ф.З.АГЪМЕДОВ,

Муниципальный райондин Кьил, райондин Собраниедин председатель.

МР-дин АДМИНИСТРАЦИЯДА

ВАЖИБЛУ МЕСЭЛАЙРИЗ КИЛИГНА



РАЙОНДИН администрациядин заседанийрин залда райондин агъалийрин уьмуьрда кьетлен фикир гана кланзавай месэлайриз талукъарнавай нубатдин совещание киле фена. Совещаниедал ветеринарный рекъяй

районда авай гьаларин гьакьиндай ветеринарный къуллугъдин информациядихъ яб акална ва инфекционный гьаларин, эпидобстановкадин, диспансеризациядин месэлайриз килигна.

Совещание райондин

администрациядин килин везифаяр вахтуналди тамамарзавай Гъабибулагъ Мурадалиева ачухна. Анал 2014-йисан 1-пакона райондин, ветеринарный къуллугъди авунвай кваллахдин, бруцеллез, пехъивал ихътин хаталу азарихъ галаз женг тухузвай гьалдин гьакьиндай ветеринарный къуллугъдин килин духтур Бегова Бега гегьенш информация авуна.

Информациядин винел рахай ЦРБ-дин килин духтурдин заместитель

➔ 3

МР-дин АДМИНИСТРАЦИЯДА

ВАЖИБЛУ МЕСЭЛАЙРИЗ КИЛИГНА

2 ←

Сефижат Мирзегасановади, Хъартаскъазмайрин, Целегуьнрин хуьрерин администратийрин кылер тир Шихверди Тариева, Герман Жабраилова, райондин администрациядин кылин заместитель Шериф Алиханова ири ва куьлуь карч алай гъайванар хуьнин, абурухъ гелкъуьнин, гузвай як ва яклар гузвай ксар гуьзчивилик хуьнин месэлайра гьалтзавай четинвилерикай ачухдиз лагъана.

Гуьгуьнлай совещаниедал ЦРБ-дин кылин дух-

турдин заместителар тир Сефижат Мирзегасановадини Алзира Шириновади диспансеризациядин ва кьенин юкьуз общество патал хаталу уьзуьр тир туберкулездихъ галаз женг члугунин месэлайрин гъакьиндай гегьенш информация авуна.

Районда инфекциядин уьзуьр арадал кьезвай рекьерикай, абурун вилик пад къаз алахъуникай, гъа и барадай райондин инфекциядин къуллугъри тухузвай квалахдин гъакьиндай ЦРБ-дин духтуринфекционист Светлана

Эфендиевадин информациядихъ яб акална.

Совещаниедин эхирдай ЦРБ-дин кылин духтур Гъажибала Беглеровани винидихъ галай месэлайрин гъакьиндай гегьенш информация авуна ва и месэлайра авай татугайвилер, амай кимивилер дуьздадал акъудуниз, хаталу уьзуьррин вилик пад къуниз, обществодин сагъламвал хуьнин карда хуьрерин администратийрин кылер ва са жерге талукъ къуллугъри активный даказ иштирак авуниз эвер гана.

Афисат АЙДЕМИРОВА.

ПРОКУРАТУРА

ЧТО НЕОБХОДИМО ЗНАТЬ УСЛОВНО ОСУЖДЕННЫМ

Уголовно-исполнительное законодательство РФ возлагает на условно-осужденных обязанность отчитываться перед уголовно-исполнительными инспекциями о своем поведении, исполнять возложенные на них судом обязанности, возмещать вред, причиненный преступлением, в размере, определенном решением суда, являться по вызову в уголовно-исполнительную инспекцию. При неявке без уважительных причин условно осужденный может быть подвергнут приводу.

В соответствии с ч. 6 ст. 188 УИК РФ если периодичность явки условно осужденного для регистрации не была определена судом, то указанная периодичность, а также дни явки условно осужденного устанавливаются уголовно-исполнительной инспекцией.

При нарушении порядка отбывания наказания, осужденным лицам необходимо иметь ввиду, что инспекция в целях обеспечения исправления и действенного контроля за поведением осужденного вправе внести в суд представление о возложении

на него дополнительных обязанностей.

При уклонении осужденного от исполнения возложенных на него судом обязанностей либо при нарушении им общественного порядка, за которое на него было наложено административное взыскание не позднее трех рабочих дней с момента установления указанных фактов инспекция выносит осужденному предупреждение о возможности отмены условного осуждения. Предупреждение объявляется осужденному под роспись.

При наличии достаточных оснований инспекция в течение трех суток (без учета выходных и праздничных дней) направляет в суд представление о продлении испытательного срока не более чем на один год.

Если условно осужденный в течение испытательного срока систематически нарушал общественный порядок, за что привлекался к административной ответственности, систематически не исполнял возложенные на него судом обязанности либо скрылся от контроля, инспекция в течение трех суток (без учета выходных и праздничных дней) с момента установления дан-

ных фактов направляет в суд представление об отмене условного осуждения и исполнении наказания, назначенного приговором суда.

В текущем году филиалом по Магарамкентскому району ФКУ УИИ УФСИН России по РД в суд направлено 5 представлений о возложении дополнительных ограничений и продлении срока отбывания наказания, которые судом удовлетворены.

Кроме того, в суд направлено 1 представление на замену наказания более строгим видом наказания, то есть условное наказание заменено на реальное лишение свободы.

Таким образом, осужденным необходимо не забывать о том, что они признаны виновными по решению суда в совершении преступления и о том, что они отбывают наказание и обязаны соблюдать уголовно – исполнительное законодательство РФ, в противном случае последствия для них могут быть неблагоприятными.

А.С. Гаджиев,
помощник прокурора
района, юрист 2 класса

ЗЕГЪМЕТДИН КЪИМЕТ ЧИЗ

УЪМУЪРДА, ківалахда, куъчеда вал гъар жуъре акунрин, хесетрин, инсанар гьалтзава. Са инсанар ва абурухъ галаз са алакъани авачтлани гьакл яр-гъалай хуш жеда. Ихътин заз яр-гъалай хуш хъайи инсанрикай сад Гъасанбекова Музлифат Рагъимовна я. Къакъан буйдин, къумрал яklarин, чина берекатдин нур авай, сивел хъвер алай и дишегълидихъ галаз мукъувай таниш къун кьетна. Адахъ галаз мукъувай таниш хъайила дугъриданни ам хъсан инсан, жавабдар къуллугъчи, гъурметлу хуърунви, къунши ва играми диде тирди тестикъ хъана.

Гъасанбекова Музлифат Рагъимовна 1956-йисуз Баку шегъерда дидедиз хъана. Дидебубадин ери-бине Къасумхуъруън райондай тир. 1970-йисуз абурун хизан чи райондин Ярагъкъазмайрин хуъруъз куъч хъана. Гъа ина юкъван школа акъалтларай чирвилерихъ ялзавай жегил 1977-йисуз ДГУ-дин маса уълквейрин чаларин факультетдиз гъахъна. Уъмуърдин къадар-къисметди вичин тлагъма эцигна. 1975-йисуз Музлифата Мавлудинахъ галаз сир сад авуна эвленмиш хъана. Университет акъалтларайдалай гуъгъуъниз уъмуърдин юлдашдихъ галаз Къазахстандиз рекъе туна.



Къазахстанда яшамаш хъайи йисара Музлифат гъанин школада, техникумда малим яз ва Мавлудина ачухдиз къуршахар къунай лайихлу тренер яз зегъмет члугуна. 1990-йисара уълкведа гъатнавай гъулгъула сеbeb яз абур элкъвена Ярагъкъазмайрал хтана. Ина Музлифат хуъруън бахчада тербиячи, гуъгъуънлай гъа и бахчадин заведующийвиле ківалахал хъана.

Бахчада вичел ачалтай девирда Музлифата бегъем дегишвилер туна. Вичин везифайрив жавабдарвилелди эгечлай, коллективда хуш рафтарвал хуъз алахъай адан зегъметди хъсан нетижаярни гана. Адан зегъмет райондин, образованиедин руководствойрин Гъурметдин грамотайралди лишанлу авуна.

2012-йисалай Музлифат Рагъимовна Ярагъкъазмайрин хуъруън культурадин центрдин ди-

ректорвиле тайинарна. Алай йис «Культурадин йис» хъуниз килигна бахчадин, школадин аялрин иштираквал аваз гъар жуъре мярекатар къиле тухузва. Хуъруън администрациядихъ галазни сигъ алакъаяр хуъзва, хуъруън уъмуърдикай са юкъузни кьерех жезвач.

Уъмуърдин юлдаш Мавлудина Магъарамдхуъруън ДЮСШОР-да тренер яз зегъмет члугвазва.

Абуру чпин пуд велед уъмуърдин шегъредал акъудна. Музлифат дидедихъ вад хтулни ава. Гъайиф хъи са велед бедбахтвилеин дуъшуъшдик акатна абурун арадай акъатна. Адалай аманат яз Музлифат дидедихъ са бала ама. Муъкуъ къве хва бубадин гелерай фена. Гъабурни ачухдиз къуршахар къунай тренерар я. Абурухъ чпин хизанар, квал –югъ ава. Чпин диде-бубадин зегъметдиз къимет гана абурун гъурмет хуъзва.

Ихътин тербиялу хизандиз регъбервал гуъзвай квехъ чандин мягъкем сагъвал, уъмуърдин хушбахтлувал хуърай гъурметлу Музлифат Рагъимовна!

Афисат АЙДЕМИРОВА.

Шикилда: **Музлифат РАГЪИМОВНА.**

XVI-МЕЖДУНАРОДНЫЙ ФЕСТИВАЛЬ КЪИЛЕ ФЕНА.

АДЕТ ХЪАНВАЙВАЛ, гъар йисуз Москвада «Детство без границ» лишандик кваз пуд этапдикай ибарат тир международный фестиваль къиле тухузва.

Фестиваль къиле тухунин мурад бажарагъ авай аялар дуъздак акъудун ва абуруз уъмуърдин общественный, ахтармишунрин, яратмишунрин хилера къуват гун я.

Ик! алай йисан июндин вацра Москвада XVI - международный фестивалдин этап къиле фена. Дагъустан республикадай фестивалдиз клуъд номинациядай 94 ківалах рекъе тунвай. Абурукай 83 ківалах фестивалдин призерар хъана. 25 ківалахдиз 1-чкаяр, 27 ківалахдиз 2-чкаяр, 26 ківалахдиз 3 – чкаяр гана. 3 ківалах фестивалдин лауреат тварциз лайихлу хъана ва 2 ківалах фестивалдин конкурсдин дипломантар хъана.

КОНКУРС - АКЦИЯ

«Раскрасим планету в зеленый цвет» лишандик кваз къиле фейи конкурс-акцияда чи райондин Приморскдин ООШ-дин ученица Эльвира Шахпеленгова 1-чкадиз лайихлу хъана. Эльвирадин классдин руководитель шумудни са конкурсрин гъалибчи, Президентдин грантдин сагъиб Эфендиева Афисат Гъарунбековна я.

ЧИ ШКОЛАДА

Маяханум АБАСОВА,
РД-дин лайихлу малим

ДАМАХДА ЗА

*Дамахда за, дамахда,
Зи зегьметдин бегьердал.
Кхьидда за, кхьидда
Зи гьиле авай къелемдал.*

ЭХЪ, БЕС ДАМАХДАЧНИ, кхьидачни? Жува тербия гайи аялди кье захъ галаз, къуьн-къуьне туна, чешнелудаказ квалалахайла, гьелбетда, кхьидда...

Зи ихтилат Магьарамдхуьруьн райондин Хважакъаз-майрин М. Къазиеван тварунихъ галай, ЭСЕДОВА Рафината регьбервал гузвай школада кваллахзавай лезги члаланни литературадин малим РАМАЗАНОВА Марият Къухмазовнади кай физва. Гьар са келунин йис ам патал метлеблуди жеда. Марият, галатун тийижиз, вичин чирвилерин булахда яд артухарзавай, гьакъисагъвилелди зегьмет члугвазвай малимрикай сад я. Ада тарсар гузвай аялрихъ дерин чирвилер жезва, абуру школада, районда, республикада кьиле тухузвай олимпиада йа лезги члалайни литературадай 1,2,3- чкаяр къазва, абур, келунин йис акьалтлардайла, Гьуьрметдин грамотайриз лайихлу жезва. М. Рамазановади вичин наму-



лу зегьметдалди чи школадин твар виниз акъудзава.

Марият Къухмазовнади гьар са кваллах пландик кваз, тешкиллувилелди кьиле тухуда. Месела, «Эхиримжи зенг» мярекатдиз атанвай мугьманар, школадин руководителар, диде-бубаяр, малимар, аялар адалай рази яз амуькна ва II-класс кутьягъзавай аялриз шад межлис гурлу капаралди тебрикна. М. Рамазанова профсоюздин организациядин руководителни я. Ада малимар паталдини еке зегьмет члугвазва. Гьар йисуз абуруз ял ягъун, сиягъатар тешкилзава. Кьетлен фикир яшлу малимриз гузва, абурун руьгь

инжиклу ийизвач, абур адалай гзаф рази я.

Марият Къухмазовна хьтин бажарагьлу малимар чи мектебда мадни ава. Урус члалан тарсар гузвай малимризни гаф авач: Маллаева А.А. Шихрегьимова С.А. Наруллаева Ф.Г., тарихдин малим Улуханова Н.К., биологиядин малим Рустамова М.М. Абуру тарсар гузвай аяларни олимпиада йа гьалиб жезва.

Гьуьрметлу выпускникар, квез уьмуьрдиз сифте кам къачун мубаракрай. Къуй куь гележег экуьди, бахтлуди хьурай!

САРАЛУХ

/ ВИРУСДИН ГЕПАТИТ «А» /

ИНФЕКЦИЯДИН чешме азарлуяр я. Вирусар инкубациядин эхиримжи 7-10 юкьуз гзаф чиклизва. И девирда азарлуяр иллаки гзаф хаталу я. Вирус 2-3 гьафтада чуклун кьериз гьалтзава.

Садакай-садак вирус квалалакьада хьайила, гьакъи недай продуктрикай ва цикай акатзава. Эпидемияр, адет яз, аялрин учрежденныйра арадал къезва.

Яд сеbeb яз вирус ерисуз хъвадай яд ишлемишайла, къацай чкайра эхъвейла акатзава. Общественный тлуьнрин ва алишверишдин карханайра продуктрик вирус кватла ахтармиш тавунвай, хсуси гигиена

хуьн тийизвай работникрикай акатзава. Майвайрик вирус гьажетханада авай шейэр акадарай яд гайила акатзава.

Азарлу хуьнин сифте кьилляй бедендин температура 39-40 градусдал кьван хкаж жеда, инсан зайиф жеда, кьилин тлалар башламишда, иштягъ квахьда, рикъ элкьведа, сивихъ кьведа. Эрчи патан пакун тваларин кланик патай тлалар яда. Адет яз иливна тла жеда, амма бязи вахтара тлалар лап хци жеда. И девирдин яргьалвал 5-7 югъ я, бязи дуьшуьшра -14 йикъал кьван. Саралухдила вилик квай вахтунин эхирдай цвар пиводин рангуниз ухшар авайди жеда. Саралух

акьалтунивай чинин, бедендин хамунин ранг дегиш жеда, ахпа квачерин ва гьилеринни. И девир адет яз 7-10 юкьуз давам жеда.

Гьар садаз чир хуьн герек я: мичли цвар ва я ранг алачир нежез атайла, вилерин лацар, хам хьипи хьайила тадиз духтурдин патав фена канда.

И азардикай хуьн патал чарасуз я: анжах ргай яд хуьн, хуьрек недалди вилик ва гьар сеферда гьажетханадиз фейила гьилер запундай чуьхуьн, майваяр ва емишар чуьхвена тлуьн, анжах ргай нек хуьн.

Рикъл хуь! Куь сагьламвал куь гьиле ава.

С. МИРЗЕГЪАСАНОВА,
ОМР-дин рекъай ЦРБ-дин
кьилин духтурдин заместитель.

ДИН ВА ИНСАН

МУСУРМАНРИН СУВАР

МУСУРМАНРИЗ суварар гзаф ава, абурукай сад ва килинди Гид-уль-Фитр. (Ураза-байрам), яни сив хуьнин сувар я.

Алай йисан исламдин календардай аквазайвал, 28- июндай 29- июлдади и 30 югъ пак тир Рамазандин варз я. И варз мусурманри ферз тир сивер хуьдай варз я. Пуд югъ суварар я.

Квез суварар мубаракрай, куьне хвейи сивер сувабдинбур хуьрай. Абуру Аллагъди кябулрай. Амин!

Сувар гьикл киле тухун лазим я? Суварин юкьуз экуьнахъ жезмай кван фад кьарагна, бедендин михвилер авуна, жувахъ авай цийи ва я михи партал алукина кезилдиз экуьнин хуьрек тлуьна, суварин кап авун патал мискиндиз фена кьанда.

И юкьуз гьакл садакьяр гун, сада-садаз суварар мубарак авун, хвейи сивер кябулун Аллагъдивай тлалабун, мукьва-кьилийрал, азарлуьрал кьил члугун, мугьманвилизи фин ва жувани мугьманар кябулун, кьуншийрин, дустарин, жувал гьалтай гьар са касдин гуьгуьл кьачун еке суваб авай кар я.

Суварин вилик квай йифиз, месин кап авурдалай гуьгуьнлиз, сувар башламиш хьайидай гьисабда ва ам пуд юкьуз давам жеда.

Сив хуьнин сувар куьтягъ хьайивални 6 юкьуз сив хуьн хуьвун еке суваб авай кар яз гьисабзава. Пайгьамбардин (САС) гьадисда икл лугьзува: «Ни Рамазандин вацра, ахпа 6 юкьуз шаввал вацра сивер хвейитла, ам гьамиша сив хуьзвай касдиз барабар ийизва».

Къуй вири мусурман стхаяр ва вахар Аллагъдин регьимдик хуьрай. Амин!

Рамазан вацра сив хуьн Аллагъди Жабраил малаикдин куьмекдалди Мегьамед пайгьамбардал Къуръан акакьярун рикел хуьнихъ галаз алакьалу я. И вацра сив хуьн (сивер маса варцарин бязи йикьярани хуьзвайди я) йисан вахтунда хьанвай гунагьри-

лай гьил кьачудай хъсан кьвалах я. И карди инсандин гьиссериз майдан гузвач, невс кьезиларзава, ният михи ийизва, члур амалрин рекьер кьевзава. И вацра инсан руьгьдиз михи, марифатдиз члехи, сабурувилизи, мягкем ийизва.

Пайгьамбарди Рамазандин вацра сив хуьниз, Аллагъдиз икрам авуниз, лап хъсан кьвалахар авуниз эвер гана. Хъсан крарал машгул инсандин рикл гьамиша секин ва архайин я.

Рамазан регьимлувилер, мергьяматлувилер ийидай кьетлен варз я. И вацра ферз тир вад кьил каплунилай гьейри мад са кап хьийизва, адаз таравигъ лугьзува. И кап 20 ракатдикай ибарат я ва ам месин каплунилай гуьгуьнлиз имамдихъ галаз мискинда авун лазим я.

Азарлубур ва сиягьатчияр сив хуьникай азад ийизва. Амма дири хьхьайла ва я сиягьат куьтягъ хьайила абуру сив хуьн хуьвун чарасуз я. Эгер ихьтин мумкинвал авачиз хьайитла, ахъа хьайи гьар са сивин гьакьи гана кьанда.

*Сивер хуьзвай кьуьзуь, жегьил инсанар!
Куь ферз кьиле зарафатрив тухумир.
Хуш туштла ваз, кьамир ерли на сивер.
Амма эхир хъсан жеда лугьумир.
Абуру кьаза хуьвун тавуртла эгер.*

*Виже кьведач тлуьн-хуьн авун сивериз,
Папрус члугун, чиркинвилер-эсиллагь.
Мадни ава кьадагьяр са кьадар...
Рехъ гумир гьич фитнедизни хьилериз,
Ашнабазвал виридалай я гунагь,
Эхиратдин кьвал жеда ваз гзаф дар.*

*Вуч хъсан я? Рамазандин гьар юкьуз
Суннатарни ферзер вири галайвал
Кьиле тухун, ибадатни хивеваз.
Гьич фикирмир четин кар я ам лугьуз,
На кьиле твах сивер за ваз лагьайвал,
Сабурулу хуьхъ, акьул жуван кьилеваз.*

**Ас-саламу алейкум
ва рагьметуллагь.**



Дуьньядилай цлар илитна

ШАК ФИЗВАЙБУР КЪУНВА

СКР-дин силисдин Кьилин управлениедин силисчийри Москвадин метрода хъайи авариядихъ галаз алакълалу яз къарагъарнавай уголовный делодай шак физвай къве кас къунва, идакай ведомстводин пресс-службади хабар гузва.

Абур «Московский метрополитен» ГУП-дин рекьерин мастер Валерий Башкатовни адан куьмекчи Юрий Гордов я. Силисдин фикирдалди, алай йисан майдин эхирра кардик кутур цийи участок тир «Парк Победы» - «Славянский бульвар» станцийрин арада стрелкаяр эцигунив абур



къайгъусуздаказ эгечна. Къунвайбуру, эцигунин кваллахар кыле тухунилай гъейри, абурал гуьзчивални тухузвайди тир.

Силисдин делилралди, стрелкайрин механизм адетдин 3 миллиметр алай симиналди кутлуннавай, ам къатI хъана. Нетихада 15-июльдин экуьнахъ поезд рельсерилай алатуниқди 22 кас къена ва 150-дал хирер хъана.

Шак физвайбурувай силис къунва ва мукъвара хиве тахсиркарвал твада. Идалайни гъейри, СКР-дихъ и мусибатдин дуьшуьш арадал атунин себеб-

карар хъайи, жергедин работникрилай эгечна члехи къуллугъчийрилай хкечна, вири жавабдарвилиз члугвадай фикир ава.

УКРАИНАДИ, ПОЛЬШАДИ, ЛИТВАДИ САНАЛ ТИР БРИГАДА ТЕШКИЛДА



УКРАИНАДИНИ, Польшадини, Литвади мукъвал вахтара саналди тир военный бригада арадал гъидай къарар къабулнава, идакай «РБК-Украина» изданиеда хабар гузва. И месэла Украинадин президент Петр Порошенкодини Польшадин премьер-министр Дональд Туска 14-июлдиз телефондай кыле фейи суьгъбетда веревирдна.

«Президентдин премьер-министрди «УкрПолЛит Бриг» тIвар алаз пуд уьлкведин саналди тир военный бригада тешкилуниз еке фикир гана. Кылди къачуртIа, абур и къарардал мукъвара къулар члугвадай меслятдал атана», - къейдна Украинадин президентдин пресс-службади.

СУРАЙНИ ВАТАН ХУЪЗ ЭВЕР ГУЗВА

АМЕРИКАДИН Пенсилвания штатдин властри, гьалатI хъана, 19 лагъай асирдин эхирра дидедиз хъайи 14 агъзур агъалидиз

армиядин жергейриз эвер гузвай повесткаяр рекъе туна, хабар гузва BBC News изданиеди.

18-25 яшда авай вири итимар воинский учетда акъвазун США-да мажбури кар я. И кардикай кыл къакъудай кас хъайитIа, еке жермеяр авун, гьатта душтагъда тунни мумкин тирдакай повесткайрани къейднавай. Ихътин манадин чарар, 1993-1997-йисара дидедиз хъайи жегъилрихъ галаз сад хъыз, 1893-1897-йисара дуьньядал атай ксаризни ракъурнавай. Амма а «рагъметлуйриз» чпиз а чарар акун, гьелбетда, къисмет хъанач,




абур фадлай агъа дуьньяда ава.

Агъалийрин воинский буржидин системадай жавабдар ведомстводи рагъметлуйрин багърийривай багъишламишун тIалабна ва гьалатI туькIуьр хъувунвайдакай лагъана. Багърийрин патай са жуьрединни гьерекатар кыле тухунин лазимвал авачирдакай малумарна.

Гъа и штатдин агъали тир 73 йисан яшда авай Чак Хьюиди суьгъбет авурвал, адан члехи буба Берт Хьюиди тIварцIелни повестка атанвай. Б.Хьюиди дуьньядин Сад лагъай дяведин ветеран тир, ам 1995-йисуз 100 йисан яшда аваз рагъметдиз фена.

КРОССВОРД



дуъз цIарара:

- 1.Гъерезчи. 2.Емиш. 3.МутIлакь, Къаних. 4.Харат устIардин алат. 5.Жув хайи чка. 6.Несят, тербия. 7.Мублагъвал, булвал. 8.Калин бала. 9.Пис. 10.ЧIехи диде. 11.Рангадин са жуьре. 12.КIвалив, инсандив вердиш тушир гъайван. 13.Фикир, къатIун. 14.БарцIак. 15.Савадсуз. 16.Къежей, лам квай.

тик цIарара:

- 1.Пичинин ва къулан хех. 3.Мишреб. 5.Бубади вичин варисдиз тада. 7.Еридиз зайифди. 9.Белки. 11. Гъуър регъведай чка. 13.Диндин чIалалди и дуънья. 15. Къиникь. 17.Экуънин (пакаман) вахт. 18.Къил гежиди. 19.----- 20.Ризкъи. 21.Айиб. 22.Багъа къаш. 23.Таза, цуру тахъанвай нек. 24.КIараб квачир як.

ПЕШЕКАРДИН МЕЦЕЛАЙ

КВЕЗ ЧИДАНИ?

***Мегъуън** тарцин, вакIан клирийрин (облепиха), японский сафорадин чкалри бедендик квай шекердин къадар къайдадик кутада. Цикорийдин ва репейникдин (къакъар) дувулри чIарар, сарар, кикер мягкемарда, вилерин экв хъсанарда. Абурук табагъдин шейэр А,Е,С,В,В-2,В-6,В-9 витаминар.Омега -3, Омега-6,Омега -9 кислотаяр ва кремний гзаф ква.

***ВакIан** клирийрин (облепиха) чкалри иммунитет хкажда, риклин кIвалах хъсанарда, бедендик иви тIимил хъанвайла, ам къайдадиз хкиз, иринламиш хъанвай (язва) хирер, остеопороз азарар сагъариз куьмек гуда.

***Хъархъу** тарцин таза хилерин чкалрихъ беденда авай йоддин къадар ва нефесдин органар къайдадик кутадай, гъакIни беденда авай жуьреба-жуьре паразитар (шарар ва мсб.) рекъидай ва щитовидный железадин азарар сагъардай къуват ава.

***ЧIуру** шабалтрин таран чкалри риклин азарар, тромбофлебитар, фалуждин, варикоздин азарар сагъариз ва бедендик квай холестерин тIимилариз куьмек гуда.

***ЦIвелин** тарцин чкалар куьлуь тварар акъатна, даклуна яру хъанвай (восполительные) азарар (маститы, циститы, кисты) сагъар хъийидай къуватлу антибиотик я.

***Гъуьлцин** тарцин, аморфдин, лимондин, чIуру пIинидин чкалар нервийар секинардай ва хъсан ахвар гъидай дарман я. Лимондин, чIуру пIинидин, чумалрин, мерейрин, малинадин тарарин чкалар ругур гъалимади иви хъсандиз къери ийида.

-Ичин тарарин таза хилерин чкалри, жикIийрин ва инийрин тарарин дувулри, гъакIни пырейдин ва свинороядин дувулри дуркIунар, туйкъуьл ва цварадин куркур къумадидай ва куьлуь къванерикай михъи хъийида.

Буткъазмайрин юкъван школа акъалтIарайдан гъакъиндай 2004-йисуз Букаров Артур Алаудиновичаз гайи Б № 9470615 -нумрадин аттестат квахъуниз килигна **къуватда амачирди яз гъисабин**

Советск хуьруьн юкъван школада 9-класс акъалтIарайдан гъакъиндай 2012-йисуз Карабегов Джалил Зухрабовичаз гайи 05 БВ № 0094443- нумрадин свидетельство квахъуниз килигна **къуватда амачирди яз гъисабин**

Къилин редактор А. ИСМАИЛОВ.

Газет гъафтеда садра акъатзава.

Газет Магъарамдхуьруьн райондин администрацияда регистрация аеуна. Регистрациядин № 301.

Редакциядин адрес: Магъарамдхуьр, Ленинан куьче, 4.
Телефонар: редактор- 25-1-37, жавабдар секретарь - 25-1-39, бухгалтер-25-9-69.

Чапун патал къул чIугуна- 16.00.

Газет ООО «Самур» типографияда гъазурна ва гъана чапна. Лезги чIал.
Индекс 63340. Тираж 1280. Заказ № 37.